



# FORMACIÓN

# 9 FORMACIÓN

## Formación Ocupacional

**REQUISITOS DO ALUMNADO:** persoa desempregada inscrita como demandante no SPE de Galicia.

**SOLICITUDE DE AXUDAS:** nun prazo de 1 mes dende a incorporación ao curso ou dende a nova situación que dea dereito. Xefatura territorial correspondente.

### TIPOS AXUDAS:

#### Bolsa de Asistencia

##### Dirixida a:

-Alumnado en desemprego con discapacidade que acredite ter recoñecida unha discapacidade nun grao igual ou superior ao 33 % segundo o previsto no artigo 1 do Real decreto 1414/2006, do 1 de decembro.

-Alumnado en desemprego que participe nunha acción formativa vinculada á realización de actividades de mellora da empregabilidade incluídas no seu IPI e sempre que non se

negasen a participar en actividades contempladas naquel.

– Membros integrantes dunha familia monoparental.

– Membros integrantes dunha familia numerosa.

**Contía:** 9 € por día de asistencia.

Incompatible entre elas. Poderá cobrar só unha bolsa aínda que o/a alumno/a pertenza a varios colectivos.

**Documentación acreditativa Bolsa de asistencia dirixidas a persoas con discapacidade :** Conservación durante 4 anos

- Certificado de empadramento conxunto de todas aquelas persoas que, para os efectos desta orde, compoñen a unidade familiar ou de convivencia.

- Documentación acreditativa de que a suma das rendas das persoas integrantes da unidade familiar ou de convivencia é inferior ao 75 % do IPREM.

- Certificado acreditativo do grao de discapacidade emitido polo Imsero ou polo servizo autonómico correspondente. No suposto de que o recoñecemento da discapacidade estea acreditado pola Xunta de Galicia, o certificado só deberá presentarse no caso de que a persoa interesada, conforme o disposto no artigo 18 da presente orde, se opoña á súa consulta.

## Transporte Público Urbano

**Quen se beneficia?** Alumnado desempregado que utiliza a rede de transporte público urbano para asistir á formación.

**Contía:** 1,5 €/día de asistencia.

### Documentación:

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.

- Acreditación documental do enderezo de intermediación laboral, emitida pola correspondente oficina de emprego, na data que figura na carta de selección ou da autorización da convocatoria pública da acción formativa, ou autorización para consultalo.

- Declaración responsable, incluída no anexo I, que recolla a/s liña/s de transporte público que precisan utilizar para asistir á acción formativa.

Incompatible: coa axuda de transporte en vehículo propio.

## Transporte Público Interurbano

**Quen se beneficia?** Alumnado cuxo enderezo de intermediación laboral estea localizado nun concello distinto a aquel en que teña lugar a acción formativa e deba empregar o transporte público interurbano para asistir á acción formativa.

**Contía:** 7 € por día de asistencia

**Documentación:** Igual que o transporte público urbano.

**Incompatible:** co transporte vehículo propio

## Transporte Vehículo Propio

**Quen se beneficia?** Alumnado desempleado cando non exista medio de transporte público entre o seu domicilio (o que figura na tarxeta de demandante de emprego) e o centro de formación ou este transporte non ten un horario regular compatible co da acción formativa.

**Contía:** 0,19 €/km cun máximo de 15€ diarios.

**Documentación:**

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.

- Acreditación documental do enderezo de intermediación laboral, emitida pola correspondente oficina de emprego, na data que figura na carta de selección ou da autorización da convocatoria pública da acción formativa, ou autorización para consultalo.

- Declaración responsable, que se contén no anexo I, de que non existe medio de transporte público entre o seu domicilio e o do centro ou de que este transporte non ten un horario regular que permita compatibilizalo co da acción formativa, ademais de indicar o número de matrícula do vehículo que utiliza, así como os quilómetros realizados diariamente.

**Incompatible con axudas de:**

- Aloxamento e manutención.
- Transporte público urbano e interurbano.

## Manutención e aloxamento

**Quen se beneficia?** Alumnado con horario da acción formativa de mañá e de tarde e a distancia entre o seu domicilio (o que figura na tarxeta de demandante de emprego) e o centro acade ou supere os 20 quilómetros.

**Contía:** manutención 12 € por día de asistencia. Aloxamento e manutención: Max. 50€

**Documentación:**

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.

- Acreditación documental do enderezo de intermediación laboral, emitida pola correspondente oficina de emprego, na data que figura na carta de selección ou da autorización da convocatoria pública da acción formativa, ou autorización para consultalo.

- Certificación do centro de formación de que o horario de impartición é de mañá e tarde.

## Conciliación

**Quen se beneficia?** Alumnado en desemprego que teña ao seu coidado fi llos/as menores de 12 anos ou familiares dependentes ata o 2º grao sempre que ao inicio do curso ou no momento en que teña lugar o feito causante que dea dereito á axuda cumpran simultaneamente os seguintes requisitos:

- Non ter rexeitado ofertas de traballo axeitadas nin terse negado a participar en actividades e promoción, formación ou reconversión profesional nos 3 meses anteriores ao inicio da acción formativa.

- Que a unidade familiar careza de rendas iguais ou superiores ao 75% do IPREM.

**Contía:** 75% IPREM diario por día de asistencia.

**Documentación:**

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI segundo o formulario do anexo I.

- Acreditación documental da dependencia, emitida polo órgano competente ou resolución xudicial, segundo proceda. No caso de recoñecemento da dependencia expedido pola Xunta de Galicia, poderase substituír a presentación da acreditación pola autorización da súa consulta.

- Acreditación documental do empadramento ou, na súa falta, certificado de convivencia, expedidos polo concello, onde se indique as persoas que conviven no enderezo de residencia, ou autorización da comprobación dos datos de residencia da persoa solicitante, segundo se recolle no anexo I, e, se é o caso, da residencia das demais persoas que convivan no mesmo domicilio, empregando o formulario do anexo II.

- Copia do libro de familia ou, no caso de persoas estranxeiras sen libro de familia, calquera documentación que acredite de forma suficiente o grao de parentesco.

- Declaración responsable, que se recolle no anexo I, xunto coa correspondente acreditación documental, de que a suma das rendas das persoas integrantes da unidade familiar ou de convivencia sexa inferior ao 75% do Iprem.

### Mulleres vítimas de violencia de xénero

**Quen se beneficia?** Mulleres vítimas de violencia de xénero.

**Contía:** 10 €/día asistencia.

**Documentación:**

- Copia do DNI/NIE da persoa solicitante, só no caso de non autorizar a súa consulta no Sistema de verificación de datos de identidade (SVDI), segundo o formulario do anexo I.

- Sentenza condenatoria, certificación da orde de protección ou medida cautelar, testemuño ou copia autenticada pola persoa titular da secretaria xudicial da propia orde de protección ou medida cautelar, informe dos servizos sociais e/ou sanitarios da Administración pública autonómica ou local en que se recolla a condición de vítima de violencia de xénero ou informe do Ministerio Fiscal que indique a existencia de indicios de violencia, auto de apertura de xuízo oral ou documento equivalente en que conste a existencia dos ditos indicios, segundo sexa o caso.

**Compatible con:**

Coas demais axudas respectando a incompatibilidade entre as axudas de transporte.

### O PAGAMENTO DAS AXUDAS ÁS QUE TEÑAN DEREITO QUEDA EN SUSPENSO DURANTE O PERÍODO VACACIONAL QUE, NO SEU CASO, ESTEA APROBADO POLO ÓRGANO COMPETENTE.

➤ Compútanse como rendas o importe dos salarios sociais, as rendas mínimas de inserción ou as axudas análogas de asistencia social concedidas pola comunidade autónoma, así como o importe das prestacións do Servizo Público de Emprego Estatal. Tamén considéranse rendas os ingresos correspondentes a rendementos patrimoniais, pensións e calquera outro tipo de ingresos percibidos.

➤ Considéranse integrantes da unidade familiar:

→ As persoas familiares por consanguinidade ou afinidade ata o segundo grao de parentesco en liña ascendente, descendente ou colateral da persoa solicitante.

→ O seu cónxuxe ou a persoa con que conviva en situación de unión de feito ou análoga, sempre que se trate de parella de feito acreditada.

→ As persoas acollidas menores de vinte e seis anos, ou de máis idade pero incapacitados/as.

➤ As solicitudes deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia.

**NORMATIVA:**

ORDE do 21 de outubro de 2021 pola que se establecen as bases reguladoras e se procede á convocatoria de subvencións para a concesión directa de bolsas e axudas para persoas traballadoras desempregadas que participen en accións formativas de formación profesional para o emprego correspondentes aos exercicios 2021 e 2022 (código de procedemento TR301V).

## Formación Universitaria

### AXUDAS UNIVERSITARIAS PARA PERSOAS CON DISCAPACIDADE

As comunidades autónomas aplican a matrícula gratuíta nas Universidades a estudantes con discapacidade.

Na UNED: exención do 100% na liquidación de todos os conceptos de matrícula por servizos académicos e outros servizos. Procederá a exención, se se ten recoñecida esta condición durante o período de matrícula e só para esa convocatoria específica. (Exención do prezo de matrícula pero si débese abonar obrigatoriamente prezo de secretaría e seguro escolar).

**NORMATIVA:**

Ley Orgánica de universidades 4/2007, de 12 de abril pola que se modifica a Lei Orgánica 6/2001, de 21 de decembro, de Universidades.  
\*\* Orde reguladora é para o ano 2022, Orde UNI/724/2021, de 7dexullo que establece os prezos por servizos académicos universitarios e outros servizos na UNED.